



XUNTA DE GALICIA

CONSELLERÍA DE PRESIDENCIA,
ADMINISTRACIÓNS PÚBLICAS

E XUSTIZA

Dirección Xeral de Relacións Institucionais e Parlamentarias

RS/mv

PARLAMENTO DE GALICIA

REXIÓN XERAL ENTRADA

26 MAR. 2014

21420

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
DIRECCIÓN XERAL DE RELACIÓNIS INSTITUCIONAIS E PARLAMENTARIAS

25 MAR. 2014

S A I D A
Num. 1973

En relación coa pregunta con resposta escrita nº 19734, formulada polo Grupo Parlamentario do Bloque Nacionalista Galego, a iniciativa de dona María do Carme Adán Villamarín e dona María Tereixa Paz Franco, sobre “**a participación da secretaria xeral de Turismo da Xunta de Galicia nun acto de exaltación dos viños da denominación de orixe La Rioja celebrado o 4 de febreiro de 2014 en Santiago de Compostela**”, (publicada no BOPG nº 246, do 27 de febreiro de 2014), teño a honra de enviarlle, para así dar cumprimento ao previsto no artigo 157 do Regulamento do Parlamento de Galicia, a contestación formulada pola **Axencia de Turismo de Galicia**, que ten o seguinte contido:

“O viño forma parte da cultura da nosa comunidade dende que chegou as nosas terras e na actualidade, os viños galegos están a experimentar unha gran proxección e unha notoriedade baseada na súa gran calidade.

O Goberno galego apostá tamén pola potenciación e desenvolvemento da viticultura coma un sector turístico a través de diferentes iniciativas integradas nas Rutas dos Viños.

Entre as accións mais significativas podemos destacar que dende a administración turística autonómica deseñouse o programa *Xornada de Portas Abertas das Rutas dos Viños* cun gran éxito de participación, tanto das adegas e establecementos participantes, coma dos turistas e visitantes que acudiron a dito programa.

Neste pasado ano tamén se realizaron outras accións gracias ao convenio de colaboración asinado coas Asociacións das Rutas dos Viños, o cal tiña como finalidade a promoción conjunta da Comunidade Autónoma de Galicia como destino turístico, promovendo e comercializando o enoturismo en Galicia.

Mediante este convenio desenvolvéronse unha serie de actividades enogastronómicas e culturais realizadas nos establecementos adheridos ás Rutas dos Viños. O elemento destacable foi o Viñobus que percorreu os territorios nas datas de celebración desas actividades.

Así mesmo, a administración apoia e promove o desenvolvimento do turismo enolóxico galego con outras accións coma a creación dunha aplicación gratuíta que contén información actualizada en tempo real dos territorios onde se producen as cinco Denominacións de Orixe vitivinícolas.

Ademais da promoción e o desenvolvimento de programas e iniciativas que potencien o sector vitivinícola galego no mercado turístico, a Xunta de Galicia aposta pola calidade a través do apoio para a certificación das adegas coa marca Q de Calidade mediante un convenio de colaboración coas Asociacións das Rutas dos Viños para a difusión e promoción de dita marca entre os asociados e unha orde de axudas que subvencionaba ata o 75% do custe do mesmo. Con esta colaboración público-privada, a nosa comunidade é líder no Estado en empresas certificadas coa Q de Calidade en Turismo Industrial.

En definitiva, este goberno galego está plenamente concienciado das potencialidades das 5 Denominacións de Orixe vitivinícolas como recursos turístico e outorga todas as ferramentas necesarias para o seu desenvolvimento e promoción, tal como os propios adegueiros, hostaleiros e o resto de integrantes das Asociacións das Rutas dos Viños o saben.

No acto dos viños da Rioxa, a directora de Turismo de Galicia foi comendadora polo Camiño de Santiago, un dos nosos produtos estrelas que nos identifica internacionalmente e o que da a coñecer a nosa terra a cada un dos millóns de peregrinos que proveñen de todos os continentes.

Deste modo, Nava Castro, como gran defensora do Turismo de Galicia, aproveitou a súa intervención para enxalzar estes recursos que nos fan especial: O Camiño de



XUNTA DE GALICIA

CONSELLERÍA DE PRESIDENCIA,

ADMINISTRACIÓNS PÚBLICAS

E XUSTIZA

División Xeral de Relacións Institucionais e Parlamentarias

Santiago e os viños de Monterrei, Valdeorras, Ribeira Sacra, Rías Baixas e O Ribeiro."

O que lle remito para o seu coñecemento e inserción no Boletín Oficial do Parlamento de Galicia, de acordo co previsto no artigo 65 e concordantes do Regulamento vixente.

Santiago de Compostela, 25 de marzo de 2014

O director xeral de Relacións Institucionais
e Parlamentarias,

Gonzalo José Ordóñez Puime

Excma. Sra. Presidenta do Parlamento de Galicia